

Gīvenēms ont palongē

Ont palongē tīke alsava meilienis.
Nerasuojē stēklos,
Ožuolaidas nevirpiejē.
Kap omžēna jaunuoji
Daugībē pavasariū regiejē,
Daugībē sausū žēidū krēta
Pri kuoju muolē vazuoneliou.
Vuo už longū gīvenēms
Beveik tuoks pats tekiejē,
Kap ons — ramē, tīke, spakainē, īprastā...
Veiziejē, kap šviežē gēmē
Basuom kuojiem
Ont vēiškelē vingioutā
Dolkēs kielē,
Kap māmas, kaims
Ī muokslus
Sūnus, dokteris nu onkstīva meta
Pri autuobosa līdiejē,
Kāp tēi, paugēi,
Truobas statē,
Medius dēigē,
Rugius siejē...
Vēskou ont palonge sava
Meilienis sens,
Ī muolē vazuonieli ēsēbrēdēs,
Žēima, vasara,
Rīta meta,
Tumsī vakara
Regiejē.